

PREGO DE CONDÍCIONS DA AUTORIZACIÓN TEMPORAL DE USO DE POSTO DE ATRACADA NO PORTO DEPORTIVO OU ZONA PORTUARIA DE USO NÁUTICO DEPORTIVO Nº1 NO PORTO DE TESTAL

A presente autorización réxese polas condicións xerais establecidas na Lei 6/2017, do 12 de decembro, de portos de Galicia, nas regras establecidas para as tarifas X5 e E-3 da Lei 6/2003, do 9 de decembro, de taxas, prezos e exaccións reguladoras da Comunidade autónoma de Galicia, polo Decreto 130/2013, do 1 de agosto, que regula a explotación dos portos deportivos e das zonas portuarias de uso náutico-deportivo de competencia da Comunidade Autónoma de Galicia, polo regulamento de servizo, policía e réxime dos portos, aprobado por O.M. de 12 de xuño de 1976, e polas condicións xerais e particulares seguintes:

1. A embarcación autorizada, as súas dimensións, o período e o lugar do atraque son os seguintes:

EMBARCACIÓN: _____ IDENTIFICACIÓN: _____
ESLORA MÁXIMA: ____ m. MANGA MAXIMA: ____ m.
Nº INSTALACIÓN: 1 PORTO: **TESTAL**
PERÍODO DE ATRAQUE: Dende _____ ata _____
LUGAR ATRAQUE: _____

2. A dita autorización outórgase a título de precario, deixando a salvo o dereito de propiedade, sen preuxízo de terceiros, e sen cesión do dominio público nin das facultades dominicais da Comunidade Autónoma. Esta autorización outórgase a título de precario e non pode inscribirse no rexistro da propiedade.

3. A autorización outórgase con carácter persoal e intransferible intervivos para un só titular que coincidirá co armador da embarcación con maior porcentaxe de propiedade, e para unha embarcación concreta. Admitirase a substitución ou cambio de embarcación sempre que se adapte ás dimensións previstas para a clase de amarre de que se trate. Para a súa validez, a substitución deberá ser comunicada a Portos de Galicia. A falta de comunicación ou a omisión ou o falseamento de datos será causa de caducidade da autorización e de incoación de procedemento administrativo sancionador.

4. No caso de falecemento do titular, o seu sucesor ou sucesora ao título de heranza ou de legado poderá solicitar por unha soa vez e nun prazo máximo dun ano, contado desde o falecemento, a autorización para o uso do mesmo posto de atracada, e sempre e cando se trate da mesma embarcación.

5. Sempre que o titular se atope ao corrente do pagamento tanto das taxas debidas a Portos de Galicia como, se é o caso, das tarifas de mantemento correspondentes, e que non incumprira as condicións da autorización, esta anovarase automaticamente polo mesmo período ao concedido inicialmente, outorgando Portos de Galicia de oficio unha nova autorización, a non ser que cun prazo mínimo de quince días anterior ao vencemento da autorización a persoa interesada manifeste a súa decisión de non continuar co uso e gozo da praza de atracada por un límite máximo de catro anos.

6. En caso de que se detecte a falsidade dalgún dos datos que o interesado facilite a Portos de Galicia para a solicitude da autorización de atracada, especialmente no que se refire a medidas da embarcación e potencia do motor, procederase a caducar esta autorización. Para os efectos establecidos nesta condición, o persoal de Portos de Galicia con funcións de inspección ou control estará facultado para acceder ás embarcacións observando os límites de inviolabilidade naqueles espazos que teñan a consideración legal de domicilio.

7. Poderá declararse a caducidade da autorización nos seguintes casos:

- a) Abandono ou falta de utilización do posto de atracada durante un período consecutivo de 6 meses, agás causas xustificadas relativas a invernadas ou avarías da embarcación.
- b) Non pagamento dunha liquidación en concepto de taxa portuaria X-5 durante un prazo de 6 meses, con independencia de que o seu aboamento se esixa directamente pola administración portuaria ou de que exista unha subrogación no pagamento por parte dun concesionario conforme á Lei 6/2003.



c) Polo incumprimento das obrigas impostas pola normativa de aplicación ou o incumprimento das obrigas ou condicións esenciais definidas con tal carácter no título da autorización, cuxa inobservancia estea expresamente prevista como causa de caducidade.

8. A renuncia, á caducidade ou a extinción da autorización por calquera das causas previstas e a conseguinte baixa como embarcación de base, producirá efectos tributarios fronte a Portos de Galicia desde o semestre natural seguinte ao da extinción, non tendo o antigo titular dereito a solicitar ningunha devolución por este concepto.

9. De conformidade cos principios de obxectividade e proporcionalidade e, en calquera caso, sempre que veña imposto por obras ou plans aprobados con posterioridade, por razóns de explotación ou planificación portuaria ou pola normativa de aplicación, Portos de Galicia poderá modificar as condicións da autorización. Neste caso, os interesados poderán renunciar á autorización, sen dereito a indemnización, e procedendo únicamente, se é o caso, o dereito á devolución das contías correspondentes ás taxas portuarias aboadas por adiantado polo período de tempo non gozado.

10. Portos de Galicia poderá modificar ou cambiar de posto de atracada as embarcacións en base, sempre que sexa por motivos de seguridade ou forza maior ou relativos á explotación e á planificación do porto. O incumprimento de ordes de desatracada, cambio de praza ou calquera outra indicación similar emitida por Portos de Galicia, será causa de caducidade da autorización, sen prexuízo da aplicación das medidas correctoras, coercitivas e executivas previstas na normativa de aplicación, na actualidade a Lei 6/2003, de 9 de decembro, de taxas, prezos e exaccións reguladoras da Comunidade Autónoma de Galicia.

11. A autorización habilita exclusivamente a atracada da embarcación na praza asignada. O titular non poderá realizar modificacións nas instalacións nin instalar dispositivos ou elementos nestas sen contar coa autorización previa e expresa de Portos de Galicia. O incumprimento desta condición será causa de caducidade desta autorización.

12. O titular queda obrigado a conserva-las instalacións onde dispón da autorización de atracada en perfecto estado de utilización, limpeza, hixiene e ornato. Queda prohibido, agás autorización expresa, o depósito de materiais de calquera tipo na superficie do pantalán.

13. O titular adoptará as máximas medidas de seguridade para evitar calquera tipo de polución ou contaminación na zona portuaria e nos seus arredores, quedando expresamente prohibido o vertido de residuos ao mar e debendo cumplir as disposicións legais vixentes nestas materias.

14. Os propietarios ou usuarios das embarcacións serán os responsables dos danos ou avarías que se ocasionen nas instalacións portuarias, elementos de fornecemento, na súa embarcación ou nas de terceiros coma consecuencia de usos indebidos das instalacións, anomalías nas embarcacións ou malas manobras destas.

15. O titular da autorización deberá aboa-la tarifa portuaria X-5 vixente en cada momento de aplicación ás embarcacións deportivas ou de lecer. Esta tarifa liquidarase de acordo coa normativa vixente. O importe da tarifa será independente das entradas, saídas ou días de ausencia da embarcación, mentres manteña asignado o posto de atracada.

16. No suposto de que as dimensións reais da embarcación non coincidan coas recollidas na documentación, o solicitante deberá achegar declaración que recolla as dimensións reais máximas da súa embarcación, entendendo como tal os puntos más extremos da embarcación, incluíndo todos aqueles elementos fixos ou desmontables que formen parte dela, aínda que poidan eliminarse sen afectar á integridade estrutural da embarcación. No caso de que existan discrepancias, ou sempre que existan dúbidas sobre as dimensións totais reais da embarcación, Portos de Galicia poderá realizar a medición directa da embarcación.

17. Se existise fornecemento de auga ou electricidade a través de tomas, o titular deberá aboar a tarifa portuaria vixente en cada momento. Na actualidade é a tarifa E-3, que se liquidará trimestralmente, a non ser que ditos fornecementos se atopen incluídos na tarifa de conservación e mantemento a aboar a entidade concesionaria.

18. Portos de Galicia poderá esixir a domiciliación bancaria, en caso de consideralo conveniente para a xestión recadadora das taxas tributarias devengadas ao seu favor pola utilizacións das instalacións portuarias.



19. O titular recibirá una tarxeta de acceso ao inicio da autorización, que deberá ser devolta a Portos de Galicia en caso de renuncia á praza. Poderá solicitar a Portos de Galicia unha soa tarxeta máis. O usuario deberá aboar o custo de todas as tarxetas, na forma que se determine.

20. En relación con esta autorización de atracada, as comunicacións deben remitirse preferentemente por vía electrónica a través da sede electrónica da Xunta de Galicia (procedemento IF501A), e en todo caso de este xeito se o titular é unha persoa xurídica.

21. De tratarse dunha instalación xestionada en réxime de concesión administrativa o titular deberá aboar ao concesionario as tarifas ou prezos privados por prestación de servizos diversos aprobados por esta entidade pública empresarial. Esas tarifas deberán ser aboadas polo período completo autorizado cun mínimo de 6 meses, sen que o concesionario se atope obrigado a reintegrar ningunha cantidade no caso de abandono da praza de atracada antes do tempo establecido. No caso de impago destas tarifas por servizos prestados, a entidade concesionaria quedará facultada, con autorización previa de Portos de Galicia, a denegar a entrada e a prestación dos servizos portuarios.

22. Transcorrido un prazo de DEZ (10) DÍAS a contar dende o seguinte ao da recepción da presente, e de non facer manifestación expresa en contrario, entenderase que vostede está conforme coas condicións e a autorización será eficaz a tódolos efectos.

23. Os datos de carácter persoal obtidos con motivo deste procedemento administrativo van ser incorporados e tratados nun ficheiro de datos debidamente autorizado para o exercicio das funcións que como Administración Pública legalmente lle corresponden á entidade pública empresarial Portos de Galicia, entidade responsable do ficheiro "Programa Facturación Espigon". O seu domicilio é Praza de Europa, Portal 5A 6º B, Área Central – Fontiñas, 15707 Santiago de Compostela. A cesión destes datos farase de acordo coa Lei Orgánica 3/2018, do 5 de decembro, de protección de datos persoais e garantía dos dereitos dixitais, e co Regulamento Europeo Xeral de Protección de datos 2016/679/UE, de 27 de abril, para os fins relacionados coa xestión e explotación portuaria atribuídas a esta Entidade pública polas leis 6/2017, do 12 de decembro, de portos de Galicia, Lei 6/2003, do 9 de decembro de taxas, prezos e exaccións reguladoras da Comunidade Autónoma de Galicia, Lei 58/2003, do 17 de decembro, General Tributaria e Lei 5/2011, do 30 de setembro, do patrimonio da Comunidade Autónoma de Galicia. O acceso aos ficheiros por terceiros realizarase para a prestación de servizos de tratamiento e técnicos ao responsable destes. O exercicio ante o responsable do ficheiro dos seus dereitos a solicitar o acceso aos datos persoais relativos ao interesado, a solicitar a súa rectificación ou supresión, a solicitar a limitación no seu tratamento, a opoñerse ao tratamento, a portabilidade dos datos e a acudir á Agencia Española de Protección de Datos en defensa dos seus dereitos, realizarase nos termos establecidos legalmente considerando as peculiaridades que se derivan do carácter público dos ficheiros deste organismo, podendo exercelo perante o enderezo de Portos de Galicia sito en Praza de Europa, Portal 5A, 6º B, Área Central – Fontiñas, 15707 Santiago de Compostela – A Coruña. Se precisa unha información más detallada sobre os seus dereitos, orientación legal e xurídica acerca de como exercer estes dereitos, formular reclamacións e ante que instancias, pódese por en contacto con departamento xurídico no correo portos@portosdegalicia.com o no teléfonos 881 95 00 95 de Portos de Galicia. En todo caso, facilítaselle indicacións de autoridades de protección de datos as que poden acudir: Agencia Española de Protección de Datos: www.agpd.es, Supervisor Europeo de Protección de Datos: <https://edps.europa.eu/>. Pode obter máis informacións no enlace da páxina web de Portos de Galicia: <http://www.portosdegalicia.gal/gl/web/portos-de-galicia/informacion-regulamento-europeo-xeral-de-proteccion-de-datos>.

CONDICIONES PARTICULARES:

24. Esta instalación está dispoñible únicamente para embarcacións recreativas, que cumpran con requisito de calado reducido, xa que a instalación localízase nunha zona con calados de entre a cota 0 e a cota -0,50 m sobre a BMVE, polo que en certas condicións de marea as embarcacións poderían quedar varadas sobre o fondo mariño. Polo exposto , os solicitantes que soliciten estas prazas asumen as condicións de calado existentes e as aceptan, facéndose responsables dos posibles inconvenientes que esta limitación poida supoñer na manobrabilidade das embarcacións ou calquera outra incidencia.

25. Dadas as condicións ambientais da instalación, restrínxese a utilización da instalación a embarcacións dedicadas náutico recreativa sen animo de lucro (lista 7ª), polo que non se autorizará nestes atraques calquera actividade onerosa. Tamén quedan excluídas deste emprazamento as motos acuáticas.